



PROTECZIUN DA LA GIUVENTETGNA PURSCHIDAS E MATERIALIAS DA CHECKPOINT

Cun nossas purschidas e cun las materialias da checkpoint che pon vegnir retratgas gratuita-
main, As gidain nus a realisar las disposiziuns davart la protecziun da la giuventetgna al lieu – als
lieus da vendita, en la gastronomia u ad occurrenzias.

La **lescha federala e las legislaziuns chantunalas** prescrivan ch'igl è scumandà da vender u da
surdar alcohol e products da tubac a personas sut 16 onns e da vender u da surdar spirituosas,
aperitivs ed alcopops a personas sut 18 onns. Il personal dastga pretender in document d'identi-
tad uffizial che conferma la vegliadetgna.

Da **l'ordinaziun davart victualias ed objects da diever** resulta che al lieu da vendita sto
vegnir montada in'affischa bain visibla ch'inditgescha ch'igl è scumandà da consegnar
bavrondas alcoholicas ad uffants e giuvenils.

Nossas purschidas e las materialias da checkpoint rendan attent a las disposiziuns legalas en
connex cun la vendita d'alcohol e da products da tubac a giuvenils e simplifitgeschan uschia
l'observaziun da las disposiziuns legalas davart la protecziun da la giuventetgna.

Survista da las purschidas e materialias da checkpoint



Glista da controlla per organisaturas ed organisaturs da festas

Format A4

Per organiser festas As dat la glista da controlla impuls pratics,
co che Vus pudais observar las leschas davart la protecziun da la
giuventetgna.



Fegl d'infurmaziun per il personal da vendita e da service

Format A5

Disposiziuns legalas e reglas fundamentalas per la gastronomia
e per occurrenzias. Il fegl d'infurmaziun inditgescha las reglas da
cumportament en connex cun la vendita d'alcohol a giuvenils.



Tavlas d'infurmaziun / placats

Format A4, mint u oransch


Al lieu da vendita sto vegnir montada in'affischa bain visibla ch'inditgescha ch'igl è scumandà da vender bavrondas alcoholicas e products da tubac ad uffants e giuvenils.



Tatgader


Format 105 x 148 mm, mint u oransch

Il tatgader fa endament – er sch'i dat pauca plazza – la protecziun da la giuventetgna (sco per exempel sin ina cassa – vesaveil per la clientella).



Bratschlets da controlla

Ad occurrenz vegni plinavant recumandà da far bain visiblas las gruppas da vegliadetgna cun bratschlets da controlla da differentas colurs. Quai facilitescha al personal da la bar e dal service d'observar las disposiziuns davart la protecziun da la giuventetgna. Tip: Designai adina er las persunas creschidas cun bindels per controllar la vegliadetgna, cas cuntrari sa fan las persunas minorennas pli «veglias» cun strair davent ils bindels.



Cun il **calclatur da checkpoint per controllar la vegliadetgna**

avais Vus en egl da tut temp las datas correctas, cur che Vus controllais la vegliadetgna da giuvenils a chaschun da la consegna d'alcohol e da tubac. Il calculatur per controllar la vegliadetgna stat a disposiziun online: www.bischfit.ch/jugendschutz

Instrucziun dal personal

Ina instrucziun gratuita dal personal intermediatescha fatgs davart il consum d'alcohol da giuvenils, davart las disposiziuns legalas e davart exempels concrets d'agir en connex cun la vendita d'alcohol.



Instrucziun online: www.jalk.ch

L'instrucziun online da 30 minutas per la gastronomia, per il commerzi en detagl e per las ustarias da festa. As gida ad observar las disposiziuns davart la protecziun da la giuventetgna. Intermediads vegnan fatgs davart il consum d'alcohol, disposiziuns legalas e tips pertutgant situaziuns difficilas en la vendita. Tgi che absolvescha l'instrucziun, survegn ina cumprova d'instrucziun.

DVD d'instrucziun

Preschentadas vegnan situaziuns tipicas en connex cun la vendita d'alcohol a giuvenils. A la fin da mintga scena vegni dà tips utils (durada totala: 10 minutas).

Cumpras da test

Tras cumpras da test (alcohol e tubac) obtegnais Vus in'analisa ed in resun davart la realisaziun da las mesiras per proteger la giuventetgna.

Infurmaziuns detagliadas concernent tut las purschidas e las pussaivladads d'empustar las materialias da checkpoint chattais Vus sin: **www.bischofit.ch/jugendschutz/**

**Avais Vus dumondas
pertutgant la protecziun
da la giuventetgna?
Nus As cussegliaim gugent.**

Contact

Uffizi da sanadad dal Grischun
Promoziun da la sanadad e prevenziun
Hofgraben 5
7001 Cuira

Tel. 081 257 64 00

gf@san.gr.ch
www.bischofit.ch/jugendschutz

Las purschidas menziunadas stattan a disposiziun per vischnancas, per manaschis, per uniuns e per autras instituziuns en il chantun Grischun.